

樂亭縣志卷一

地理志上

沿革

疆域

山川

志之在一邑雖屬蕞爾而推而廣之卽寰宇之規模引而長之卽史鑑之體例其可忽乎哉故分封必詳其沿革疆域必辨其廣袤山川必究其源委屯社街市必考其廢興至於漸染爲風俗流傳爲古蹟平陂往復世變相循又事之大者以次編列庶爲政者知所考鏡焉志

地理

沿革

郡國并分代有同異然未有如永平諸屬之甚者也

樂亭縣志

卷一地理

沿革

一

三代上幽冀青營人有異論洎乎漢晉以下石趙慕容紛紛割據五代之季淪於遼金載籍雖存辨析罕當縣治初於大定前此之名蓋所謂捕風而捉影者也今姑就古昔所沿傳者次而書之而附考辨於其後以資後之君子博考焉

邑唐屬冀州虞屬幽州夏仍屬冀州商周爲孤竹國秦

屬遼西郡漢置海陽縣

按畿輔志謂縣在漢爲驪成屬右北平誤

晉爲樂安

鎮魏爲樂安亭齊省遼西郡及海陽入肥如隋屬盧龍

唐置馬城遼因之金置樂亭縣屬灤州元初於縣置溟

州尋廢復爲樂亭縣屬平灤路又省石城縣入樂亭尋

卽改入義豐省馬城入樂亭及灤州明屬永平府
國初與豐潤玉田並隸灤州雍正十三年豐玉改隸遵化
而邑乃屬永平府

沿革考辨

自漢儒有舜分青州爲營州之說孔穎達遂謂堯時青
州當跨海而有遼東隔越巨浸道路殊遠非所以因高
山大川以爲限之意後儒已多辨之矣然卽使其說可
通亦言跨海而有遼東未言並有遼西也永平爲漢遼
西郡地則其屬幽冀無疑而舊志乃謂永平諸屬於唐
不盡屬冀於虞不盡屬幽殊屬騎牆之見漢書地理志

樂亭縣志

卷一地理

沿革

二

令支下有孤竹城令支今遷安地魏書地形志肥如下
有孤竹山祠並有令支城肥如今盧龍地國語云齊桓
公北伐山戎荆令支斬孤竹而南歸是令支在山戎之
南孤竹又在令支之南也以古證今疆域尙可髣髴至
若遼史謂興中府爲孤竹京相璠謂無棣爲孤竹則是

東北出柳城五百餘里

遼史云興中府古孤竹國漢柳城縣地

西南經渤

海六百餘里

元和郡縣志棣州樂安郡禹貢青州之域又曰兗州之域春秋時爲齊地秦併天下

爲齊郡漢爲平原渤海千乘之郡也伏琛齊地記無棣在渤海高城縣今直隸河間府滄州鹽山縣卽古無棣也縣南有無棣溝按滄州封域且千有餘里古之侯國鹽山舊屬河間今屬天津

豈便有此大抵孤竹舊治以令支爲確而邑本盧龍屬

地三代以上土闔人稀因並屬之當不謬也秦置遼西郡屬幽州邑屬海陽之說以前後漢書晉書及水經注考之於此地似屬可據

前漢遼西郡領縣十四海陽與令支肥如並置後漢領縣五海

陽與令支肥如並置晉領縣三省令支海陽與肥如並置水經注云濡水於海陽縣南入海然諸史

所稱海陽亦有名是而實非者魏書地形志海陽下有橫山新婦山而漢無之是魏海陽非漢海陽也遼史地理志海陽隸隰州平海軍而魏屬遼西是遼海陽又非魏海陽也大抵此地入漢初屬海陽逮後烏桓內徙鮮卑外侵壤地瓜分華夷雜處至晉滅公孫又析幽州爲平州紛紛變易幾不可識矣舊志存疑一條云漢書渤

樂亭縣志

卷一地理

沿革

三

海郡臨樂下註曰侯國莽曰樂亭蓋元始四年王莽更郡縣爲亭以應符命也東漢以後轉爲樂安或隸北海或隸漁陽晉書載紀曰樂安鎮水經注曰樂安亭要皆幽之東南青之東北瀕海之區渤碣之地也是欲求斯地之封域定斯地之沿革將舍此奚適矣乃從來作志者概不之及知樂安之近海而隸於青州則分青州之海與遼西之海爲二知樂安之邇濡而隸於檀州則分白檀之濡與肥如之濡爲二分離乖隔爲害甚矣按其說如此總緣青州跨海之說而誤不知邑與青州雖同一濱海謂越海而北有青州之地則可謂越海而南有

今樂亭之地則不可臨樂漢屬渤海去此當八九百里其時平原郡之富平莽亦改名樂安亭今以新莽所改臨樂之樂亭爲據豈新莽所改富平之樂安亭亦可據乎至所云東漢以後轉爲樂安或隸北海或隸漁陽尤爲疎舛後漢之樂安國乃千乘郡所改晉仍爲國魏改爲郡與北海並置地俱屬青州隸漁陽者乃安樂非樂安水經濡水注云高石水出安樂縣東山當卽此也邑名之所由昉惟石虎屯糧之樂安城濡水所逕之樂安亭爲可據餘俱涉於影響如此條所云泛濫無歸疆域混淆幾令人無從捉摸豈不誤而又誤前古建置魏最

樂亭縣志

卷一地理

沿革

四

繁多齊天保七年省遼西郡及所領海陽入肥如說者以邑爲肥如然肥如本盧龍正封邑或以樂安亭屬之耳豈肥如爲縣治哉宇文周之世邑領於高寶甯隋開皇三年平高寶甯六年省肥如入新昌十八年改名盧龍大業初置北平郡疑樂安鎮應並隸此舊志與史文合自屬不謬然縣治始屬北平郡而不屬遼西郡矣唐書地理志馬城古海陽地開元二十八年置東北有千金冶城東有茂鄉鎮城遼史地理志海陽與馬城並置海陽隸隰州馬城隸灤州云城在灤州西南四十里與今之馬城故址不合

遼時灤州領縣三義豐馬城石城灤州志云馬城廢縣在州南二十

里官催一里社千金冶古城在州西七里孩古社蓋石沙可炒鐵今尚有遺石立水中茂鄉鎮城在千金冶東明一統志云馬城塞在今永平府灤州南二十里即邑治也此以唐之馬城為漢之馬城證據殊譌按後漢書安帝紀元初六年鮮卑寇馬城註引千寶搜神記曰昔秦人築城於武周塞以備胡將城而崩者數矣有馬馳走周旋反覆父老異之因依以築城城乃不崩遂以名焉其故城今朔州也蓋漢之馬城在代郡即今之馬邑治於此

金析馬城為樂亭而馬城仍置如故時灤州領地無涉

石城馬城樂亭時又有海陽縣隸瑞州 **樂亭之始建史未詳何年明志指**

為大定末稽學宮碑邑人李杭以天會四年登金進士五年建學是天會間已建學不應大定末始置縣計天會至大定中間尚隔七十餘年明志所云不知何據

按金

史地理志灤州遼為永安軍天輔七年因置節度使樂亭之建疑始於此 **元史地理志至元**

樂亭縣志

卷一地理

沿革

五

二年省義豐入灤州三年復置先以石城省入樂亭其年改入義豐四年馬城亦省時灤州止領義豐樂亭二縣矣漢右北平郡之縣十六其三曰石城遼史灤州領縣三其三曰石城下云漢置屬右北平郡久廢唐貞觀中於此置臨渝縣萬歲通天元年改石城縣在灤州南三十里唐儀鳳石刻在焉今縣又在其南五十里遼徙置以就鹽官是遼之石城非唐之石城矣

據遼史所云灤州南八十

里恰是今樂亭縣治疑石城是馬城之誤 **今之開平中屯衛自明永樂三年**

徙於石城廢縣在灤州西九十里乃遼之石城顧亭林日知錄辨之甚詳而明一統志以灤州石城為漢舊縣

乃沿遼史漢置舊文而誤宜其見譏於顧氏歟

疆域

周禮大司徒之職制其疆理而溝封之則邦國之有疆域由來重矣大者如兗之濟河青之海岱固所以敷土而奠山川小者如遂上有徑溝上有畛亦所以辨方而正經界至今日郡縣之置圻鉤壤連犬牙相錯苟不清其四至則越畔固可嗤甌脫將誰問邪樂治不踰百里稠居實已林林但沙地多風霾窪地多淫浸是在保障者加之意焉

縣治在永平府南迤東一百二十里東西廣五十五里南

樂亭縣志

卷一地理

疆域

六

北袤七十五里沿海共廣一百一十里 東至黃瓜堡

交昌黎縣界三十里抵昌黎縣治八十里 西至高閣

莊交灤州界三十里 南至海四十五里 北至姚家

新莊即老茶棚菴交昌黎縣界三十里豎有界碑 東

南至沙崖莊交昌黎縣界四十里抵海岸四十五里

東北至疇囉垞

一作博落

交昌黎縣界一十三里

乾隆三年山海衛改

設臨榆縣撥歸衛地十八莊隸於本縣在縣東北實錯處於昌屬中不可以界畫限

抵山海關二

百里

盛京一千里 西南至艾太莊交灤州界三十里抵海岸

四十五里 西北至沙鋪交灤州界三十里抵灤州治

七十里保定府省會八百里

京師五百里

山川

古者建國邑必限山川大易亦有地險山川邛陵之

訓蓋財用於是乎出民亦依之以為固非細故也邑

濱溟海灤青諸河亦稱巨浸則川可謂雄於北矣若

山固無有也無山而係以山者良以祥雲諸島石臼

諸坨林立海濱固亦邛陵之比又烏可以不誌

溟海在縣南四十五里東接昌黎西抵灤州延廣一百一

十里

潮期凡日旬上中下一寅申二卯酉三辰戌四巳亥五子午六丑未七如一八如二九如三十如四

樂亭縣志

卷一地理

山川

七

各以期至
環運不窮

明灤州知州陳士元觀海賦云元黃肇分一六凝質溟
瀚呈靈函維翰極北包窮髮南控炎溢西環聚窟之洲
東浴扶桑之日曼倩之記不能詳元虛之篇不能畢也
若有蓬瀛仙子周遊歷邁八埏九垓無往不屆乃濯足
於北平之濱尺度乎東渤之派望洋吐詞即小喻大四
海之廣固可想像其形依稀其槩也日維茲裨海幽冀
之陬浸碣石薄萊州掩朝鮮縈遼邱爾乃洪波滂漫細
沫滑渙瀉湟瀾濶滄澗澹泮納川不盈浮空無岸洸養
乎析木之津漩濃乎京畿之畔一朝一夕烟昏沙漉倏
晦倏明鯤騰鵬亂若乃颺風發罔象鱗海若呀馮夷舞
天吳怒陽侯鼓於是徙沃焦閉尾閭揚霾幕震雷車駭
浪山疊激波電驅消泮礎蕩芻甸煦虛泰嶽掀揭而反
覆河澮漲灑而淪胥狀如湫盤轉側會曲江而同區又
如飈輪逆運傾天潢而下灑迅勢所滌餘湍所窟鹽峻
為之陸沉林阜為之潢淤若乃淡曠潛消晴市初旦鮫
室出奇廬樓斯爛變化無端珍靈璀璨畫圖成於頃刻
遠邇恍其輝煥地皇闢土而直視羲和弭節以長歎孔
父登東而無語蘇公驚走以難判若乃極深之府至靜

之央瀕洞渺漠沌灝渾茫察之無際測之無旁則有百
靈棲息陰火澄光神龍之所隱蟄巨鼈之所撐當寰宇
是莫民物用康豈但鯨鬣插雲鳳髓儲漿珠玉林積寶
貝山藏徒無救於寒飢空競侈於遐方已哉若乃陶唐
之世汜濫延靡夏禹施功此焉伊始二老出而周興重
譯來而波止卞人好勇於乘桴河伯見笑於秋水乃有
不死之藥黃金之宮望之如雲就之有風鞭石莫及牽
犬無功羨門馳驚乎騶生之術五百漂泊乎瑯琊之東
悠悠海德何損何隆納汙受涓居卑量洪原
泉盈科後進而江漢一瀉已瞬息而朝宗
商邱宋犖海上雜詩云沃焦秋更熱噴薄下灤河眺望
蛟龍窟微茫十九陀地憐榆塞近人說釣臺多侍側中
男在雙江續舊歌自注云相傳唐太
宗征高麗住此十九日故陀名十九
滇南師範老米溝觀海詩云未識方輿壯今來問谷王
一泓殊渺渺四顧總茫茫島路通諸國濤聲薄大荒故
鄉歸卧後把
酒話東洋

樂亭縣志

卷一地理

山川

八

臺自注云是
日適觀海市
又海上雜詩云野濶風偏勁驚沙障眼黃莎坯低壘屋
城土亂堆房只合稱窮海端宜號醉鄉燒鍋三十鋪柴
米價爭昂水深兼土厚俗不尚浮華鹽布皆方物蝦
魚有世家酬神三宿影留客一壺茶何以消煩暑香爭
滿擔瓜最苦冬三月元雲觸處封地凝冰作骨天鍊
雪爲容河凍車能受村荒鳥不逢嚴霜僵萬木空憶後
彫松窗納東溟日堂開左輔雲土風原好武士習近
攻文坑煖春常在城遙漏不分十年爲客意吾已付微
醺
又城灘闕云城灘闕何嗷嗷弱持棍強持刀蜂擁蟻聚
紛莫數鳴鑼公然來刮土三斗土二斗鹽賣鹽日可活
妻子待二麥黃磨我鎌
又東海辭云古諸侯之制五岳四瀆在其境內者祭之
樂爲邑方百里而廣地坦土平卽無名山大川喬林巨
麓之奇而南際滄海一望無極魚鹽蜃蛤芟蘆芡葦凡
民之所攸賴者罔不於是乎取則神之錫福於樂固不
可以數計而周知乃近年夏秋之交大雨時行河之水
注於海海之水復溢於河河與海角而驚濤四出以致

田廬禾稼半就漂汨於時瀕海居民濟濟漆漆靡不懼
曰神苟一怒何難盡吾邑而魚之然卒荷神庥而人畜
俱得以無恙夫能禦大災則祀能捍大患則祀神縱不
責報於人而人之所以謀報神者詎可一日忘哉今歲
自立夏後風雨時陰陽若無河魚之勝遇之異無疾雷震
靈之威伏波不興安瀾胥慶與翼塞野黍稌盈郊數年
之歎汚潦者神遂予以豐穰矣數年之迫饑寒者神遂
畀以盈甯矣滇南師範客茲土者九載爰代樂民而侑
以辭曰蘆花白兮蘆葉黃陳桂醕兮羅椒漿側身東向
瞻博桑天風入耳聲琅琅神之來兮自何方紫貝宮兮
碧玉房結蕙幄兮張蓀牀星弁嵯峨輝大荒靈旗飄飄
紛兩旁饗我粢兮羞我觴使我民兮常悅康神之去兮
心徬徨赤螭夾路蒼虬翔青雲爲衣白霓裳夕將晞髮
阿之陽波平如鏡爛生光天吳蝸像皆遁藏沮洳龜拆
疑截肪一畝十斛黃赤
糧千秋萬歲樂無央

樂亭縣志

卷一 地理

山川

九

坤晝夜恣噓喻蕩星浴日涵空濛陽侯乍出天吳擁川
后欲發冰夷從變幻翕忽生萬狀潮汐往來無終窮天
際一壘小如豆恍惚海市開雲岫人指點云是吳粵
萬斛船千里風帆如馳驟乃知大地空浮萍滄桑變幻
何人經此中橐籥參不得蒼茫東望雲溟溟丈夫志氣
凌八極齋居索莫傷偏仄到此翻疑天地寬一片愁心
蕩空碧開襟痛飲海雲邊欲落不落日殘睨乎島嶼
嶼邈迓乎天關醉後狂歌暮烟紫咫尺欲到三神山詩
成徑騎赤鯉去下見蓬萊之
水半清淺天風浩浩超塵寰
邑人史夢蘭海上詞云觀音柳下古神堂牡蠣墻圍曲
曲房銅鼓朱旛迎賽日船來先祭趕魚郎自注云廟中
泥鬼有名趕魚郎者報賽時爭以肉塞其口中祥雲
島下暮雲平魚骨祠前潮水生儂意只憐公子蟹阿郎
偏愛美人鯉一葉漁舟小似瓢權歌唱出太平謠黃
昏出網人爭鬧紫蟹銀魚拾小潮自注云漁人舊例凡
魚落網外者任人拾取謂之拾小潮貧家女不解朱
鉛嫁得夫郎慣刺船半月坨前坐坨去坨前望月幾回
圓自注云半月海中坨名海濱人家每於春秋赴坨採
海菜去輒經月月謂之坐坨鹽田彌望牧場圍點點牛

羊散夕暉韭菜溝邊春雨過綠茵滿地馬牙肥自注云
韭菜溝海上地名馬牙草名馬食之則肥落日團焦
入望空竈丁比戶盡編蓬東風雨過春潮長又費鹽池
數日功自注云竈戶曬鹽天久晴則鹽成速而多遇雨
則滲入地矣糧艘商舶聚叢叢十九坨前水路通斥
鹵無須問豐歉全家温飽仗關東自注云本地所產禾
麥恆不敷用瀕海尤斥鹵不堪耕種一年口食全恃關
外石白坨一名十九坨灘頭雨過上魚蝦郎去揚
帆采石華揀得青螺學盤髻蛤螺岡下是兒家自注云
海畔有村名蛤螺岡潮去潮來信不訛不聞郎信卻
如何鏡兒魚好難照面照面還愁淚點多自注云鏡兒
魚形圓如鏡味最美傍岸鱗插界樁西南風起各
家忙農家合讓漁家傲不識旗租與御糧自注云
海上打魚處各有界樁不相侵犯俗以立夏日入海捕
魚視西南風則多得東北
風不利漁家傲詞名

灤河源出宣化府西百二十里之炭山東北流經雲州堡
北六十里馬營堡北二十餘里又北流經廢桓州南入

樂亭縣志

卷一地理

山川

十

舊開平衛境東南流經古北口邊外小興州東又東南
與邊外九道河及諸小水合勢始大由遵化州東北團
亭寨入內地經永平府遷安縣東至府西合於漆河又
經灤州南流五十餘里至岳婆沙港入縣界分爲二支
東曰葫蘆河西曰汀一作定 流河葫蘆河在縣東北三十
里流逕縣東二十里南流入海謂之東灤河明景泰中
淤塞俗謂之乾灤河汀流河遂獨承灤河之水至縣南
四十里劉家墩入海自嘉慶十八年灤水東遷汀流河
遂閉今惟藺家營及老米溝入海之處尙屬樂境其餘

盡入昌黎

按灤水卽古濡水白檀之濡卽肥如之濡顏師古漢書注以肥如之濡音乃官反白檀之

濡音呼鵑反世遂疑其爲二及考水經濡水注引白植
之濡甚明非有二也水經注云濡水出禦夷鎮東南其
水二源雙引夾山西北流出山合爲一川入安州界東
南流逕白檀縣故城又東南逕盧龍塞又東南逕令支
縣故城東魏地理記曰肥如城西十里有濡水南流注
孤竹城西自孤竹城東南逕西鄉北又逕故城南分爲
二水北水枝出世謂之小濡水東逕樂安亭北東南入
海濡水東南流逕樂安亭南東與新河故瀆合又東南
至叅縣碣石山南入海樂安亭卽今縣治據水經注所
云是縣北之葫蘆河縣東之東灤河蓋從古以來灤河
故道也漢書白檀之濡本作洳諸儒皆謂爲濡字之譌
抵海志載前令陳金駿詳文云查本縣灤河由定流河
十餘丈深丈餘自姚家新莊始抵沙舖五里河身廣二
十餘丈深丈餘自西岸自定流河與灤州交界起抵石各
莊三里自石各莊至賈各莊四里河身廣五六丈深
一二丈不等內有沙灘一面寬三四尺深二三尺不等
勢漫小船可行自賈各莊至新立莊六里河身廣三四
一丈深七八尺不等自新立莊至小聖廟三里河身廣
一二十丈深六七尺不等小聖廟至邊流河八里河身

樂亭縣志

卷一地理

山川

十一

廣四五丈深五六尺不等東有河套比大河較寬船由
西行自邊流河至馬家渡口六里河身廣五六丈深二
三丈不等自馬家渡口至嵩林渡口六里河身廣四五
十丈深四五丈不等以上河身俱係沙底自嵩林渡口
至老河口七里河身廣八九丈不等係泥
底自老河口至墊子渡口十里河身廣五六丈深八
九尺不等自墊子渡口至常家渡口六里河身廣二三
十丈深八九尺不等自常家渡口至小河沿七里河身
廣五六丈深七八尺不等內有土坎二道小船可行
水陡流自小河沿至石家坨十里河身廣四五丈深丈
餘自石家坨至馬頭營三里河身廣二十餘丈深二丈
餘自馬頭營至清河口入海二十五里河身廣十餘丈
深一二丈不等以上河身仍係沙底統計東岸自姚家
新莊起至清河口凡一百一十六里西岸自汀流河起
至清河口凡一百五里此自明景泰三年至我朝嘉
慶十八年灤河之故道也雖狂瀾肆虐歲時不無遷移
然究未離乎縣西南之境自東遷後乾河復還舊觀而
西南之民始免其魚矣夫灤之爲害自古已然河渠攷
云元至元六年漂溢不時郡境田廬多被其患而最盛
者莫如大德五年至正四年爲害亦甚延及明朝橫決

不免一遇水潦害輒隨之嘉靖三十八年平地水深數尺城市可以行舟其漂田廬壞城郭者害不勝書邑於乾隆五十五年嘉慶十六年洪流橫溢城鄉盡成澤國其爲害幾與元大德五年明嘉靖三十八年相埒今西患雖紓東患時劇疏洩之方可弗籌之於早哉

魏武帝灤河吟云灤河上遊陬涓涓僅如帶偏嶺下橫渡復遠行都外頗聞會衆潦旣遠勢滂沛雖爲禹貢遺獨與東海會乃知能自致天壤無廣大

明邑人盧耿麒過灤河有感詩云吾憐雙鴛鴦泛泛河之濱飛隨鳴唱和終日無猜嗔如何平生友意氣若相親一言稍不合當面分胡秦羽族汝不知惻惻傷心神

明東蔭商灤河泛月詩云雙舸凌風散鬱蒸飛鷗度曲興堪乘自憐去國同王粲却得同舟是李膺雲影微茫遙岸月林端明滅遠村燈滄溟只在帆檣外莫道三山未可登

樂亭縣志

卷一地理

山川

十二

戶慶豐穰連歲苦污潦此事成夢想蒿目盼今秋椀粥天或賞那意六月月中急雨鬱莽蒼橫流遂四出迅疑馬絕鞅赴海海不受驚濤一夜長可憐數十村似蟻撞盆盜心逐檣影亂耳駭浪聲響泥塗得性命田廬付漂蕩水退已三旬餘浸猶濇濇載理灤河楫河波深且廣灑酒酌河伯民情亦堪憫相與約明年安瀾神是仰又葫蘆河詩云葫蘆河畔草初生魚海南連雁塞平十五年前詩上景今朝真向景中行

青河源出灤州西五子山東五里有大泉騰沸流逕州南

八里曰八里河又經料馬臺至邳官營伏入地中俗名

地橋又東南二里逕閻家莊復見爲龍溪俗呼煖泉亂

泉突湧分爲二派東派出南閘頭東南行至縣西鄉之

潘各莊有土橋一座橋東屬樂西屬灤又南十三四里

皆在灤境距樂界遠不過二三里近一半里至杜家五

莊西復入縣界又南二里許至齊家莊西舊有木橋今易以土又

南十數里至古河莊西以上俱河東屬樂西屬灤又南十餘里至灤

境大莊窩河口入海水闊二丈許涓涓蜿蜒不涸不塌

故又呼曰清河按水經注云清水出海陽縣東南流一十許里海陽城東南合新河又南流

西入九過口注海據此當屬今龍臺南出之派也然已足見魏海陽非漢海陽矣畿輔志云秦漢以來此為漕

運故道闡迹尚存考邑之通漕自元始遠稽秦漢亦無足據乾隆間知縣陳金駿詳文云查本縣清河歸灤河

入海里數自灤州小營兒起至畧軍坨三里河身廣丈餘深二三尺不等自畧軍坨至撒布店二里河身廣丈

餘深二三尺不等自撒布店至流水莊一里河身廣丈餘深二三尺不等自流水莊至小河沿三里歸灤河河

身廣丈餘深一二尺不等合計共九里沙壅難行此乾隆十餘年至嘉慶十餘年青河之故道也後為灤水所

逼沙泥愈壅愈高而河遂西徙矣今劉海莊及杜家五莊其故跡宛然可尋年六旬以上者皆能言之小營前

樂亭縣志

卷一地理山川

後分二莊前莊屬樂後莊屬灤撒布店一作撒馬店

灤河支流曰戴家河縣西北六里賈家河縣西十五里杜家河縣東十七里

苑家河縣西南六里董家河縣西南八里三岔口河縣西南九里盧

家河縣西南二十里按畿輔志有宋家河無苑家河三岔口河

東灤河支流曰沙城社河縣東北二十里龐家河縣東北五里中淀河

縣東十二里韭菜河縣東南三十五里按顧祖禹讀史或作十五里

流經縣東南十五里達四溝港又南通湯家河至胡林口入海然此皆當時故跡今河雖復東遷而流之所經

仍有及有不及焉

清河支流曰介馬河縣西南二十七里狼河縣西八里新寨河縣西南二十五里

里按方輿紀要云清河在縣西三十五里一名西清河分流為新砦狼河介馬諸河抵新橋海口貓兒港入海

樂邑當乾嘉年間灤水橫決諸河皆為所占清之支流遂變為灤之支流今灤既東遷清復西徙新寨諸河盡成桑田矣

海支港曰于家河縣東南二十五里 湯家河縣東南二十五里 囤子河縣西

南十五里 高密河一作高糜河縣西南三十八里 按自海水南退此亦成斷港矣

灣曰蕭家灣縣西四里舊 栗家灣縣南八里 翟家灣縣東北三里

港曰四溝港縣東南十五里四圍皆 大港縣西南二十五里 小港縣西南二

縣西南二里 稱坨港縣南二里 麥港縣東南二十九里 按以

及支川之水嘗瀦流於此水漲則達於灤河自雍正三

年六月六日灤水氾溢大港村後變成經流其開閉年

月鄉中父老尚有能言之者蕭家栗家諸灣自嘉慶十

樂亭縣志 卷一地理 山川 十四

年上流淤塞其流始斷

溝曰綠洋溝一名強河在溟海內海水青黑而灤水青碧

里遙通如帶中多鱗介之利郡境羣 老米溝一名老姥

川悉滙於此邑人呼為洋拖綠帶云 韭菜溝縣南三十

島曰祥雲島在溟海內縣西南四十里朝光烘日 李家島

在祥雲島西舊李 桑坨島在李家島西地多樹桑故名

姓家聚此故名

店曰曹北店一作曹泊店縣西南五十五里海中 曹母店

一作曹馬店在濟民場西南八十里元海運時故跡猶

存 按曹母店在濟民場西南八十里則去縣治一百四

十餘里矣其地宜屬豐灤但大海茫茫 無從畫界舊志相沿已久茲復仍之

坨日月坨

在縣西南海中形如半月地廣十餘頃草木繁植雉兔充斥民取利焉十九坨在

坨東廣數十頃饒裕與月坨相似一名石臼坨相傳以

為古時漕運民居店市也外此以坨名村者甚多俱詳

屯社中按坨字見說文正字通云坨乃陀之譌爾雅釋

地陂陀不平據此則坨乃岡阜別名舊志謂灤人以平

坡蓄水曰坨今邑地之以坨名者率係土阜並無蓄水

之迹其說恐不足據或曰河淤風聚均可成坨風散水

冲霄堪去坨邑境沙多大抵坨皆沙

阜聚散無恆舊說亦不為無理云

侯官黃侑石臼坨賦云維海陽之廢縣為渤碣之奧區

星載箕尾之度野析木之隅出鎮海之郊門距三舍

而有餘敞平原之百頃環滄海以爲居地雖廢壤境實

名墟惟象形而若曰乃肖象而名諸秋濤洶洶春水溶

溶夜月沉碧朝曦浴紅賈舶漁舫出沒乎其外琳宮梵

宇羅列乎其中泉既甘而覺爽村亦古而堪風漢武雄

心兮寄遺踪於縹緲羨門高蹈兮傳佳話於空濛論曰

坨之勝槩靡筆舌而能窮若乃麗景乍開波光甫動驪

宅輝生鮫人采貢穀文疊處轟彩嘯於洪濤樹影紛時

走龍蛇於瀕洞由是義轡舒颺輪運海若藏天吳遯魚

樂亭縣志

卷一地理山川

蝦千種噴沫爭奇蛟蜃百靈潛逃效順迨至崦嵫日掛

海嶠雲收雁棲葦澤漁唱葭洲十里平沙半途青草數

家烟火殘照荒邱梵磬悠揚兮咽風景之不同舉而繪之

蕩兮出魑魅於龍頭斯又晦明風景之不同舉而繪之

悉海上之謬悠至若露濡銀井潮退江臯臨三岔之淺

瀨駕一葉之輕舫舟藏絕港網撒長濤長鱸兮得細鱗

之美子魚兮羨通印之褒鍳深房之牡蠣持郭索之巨

螯香凝石乳腹滿金膏文魚石拒海蜃香螺論曰坨之

土產實珍異之爲多貢都門之豪貴悉此地之餘波嗟

嗟地以人而顯亦以時而韜矐茲勝壤僻在東臯職方

之所不載聖喆之所罕遭訪遼金之故事駕樓櫓於層

濤雖宿兵於徼外每輻輳而爭麀春或有脚地已不毛

寄傳聞於勝島

徒弔古今空勞

邑人陰振猷遊十九坨序云坨在縣治南七十里大海

環之然而側峯橫嶺澤國有山靈寄焉余耳食者久亦

心豔之有年矣歲丁丑自都東歸裹糧徑上坂平坨似

皚皚然如洒玉塵蓋潮汐所經曬而成鹽若是者望之

數萬畝不盡自是土益鹵亦漸泥瀟水沒踝者五里許

沒膝者二里許又二里許則膝以上者既出於泥遂達

彼岸時則潮信大發秋日高晶水光天光上下一碧於焉仰攀高邛俯瞰木末見其中起伏變滅之狀與水氣相涵漾者若雲流若霞騫苞孕森秀遠混天碧惟是家弟抑之抱幽憂之疾深肢體之困游屐所歷胸臆亦豁如余於是歎天地間無不適志之處其適不適皆志與天地隔膜之爲之而上蟠下際之故究如鏡無蓄影水無停流也抑又歎自有此坵以來其境之沉鬱景色之幽曠氣象之雄奇使得遇昌黎柳州諸公麗藻抽思點景繪象卽一草一木之精神當必有千百年尙發越者惜乎吾鄉之人擯之海隅而學士大夫之足迹又終古不及履遂共指爲荒寒寥落之區寂寞留爽之野自生自滅無見無聞良可慨矣顧物極則必返名盛必招尤古今名蹟指不勝屈當其發山水之精華蜚聲名於詞客鑿幽錘險莫避雕搜遂不瞬目間而已變潔淨場成汙葦土則此坵之嶽奇厯落與其洋溢乎庸耳俗目曾不若聽蜚人估客之寄迹猶未至殺風景鑿混沌其悶肫抑塞之故安知非地示昭鑿百靈呵護絕不著紀錄於人世間而沐日浴月呼翕乾坤自抒海外之靈異以留爲終古之勝也是則重可慨也

樂亭縣志

卷一地理

山川

十六

邑宰陳金駿濬樂亭支河議云余續修樂誌作襍祥志檢舊籍知邑被水患至數而本年六月事又余所目睹者竊以邑承灤下流自塞外千餘里柳河寬河之水注之入內地合激恆長清橫漆諸水迸會於茲以一水當衆條之水以一邑當衆邑之水而又地勢平衍土脉疏惡此非天行之愆惟地勢亦然也蓋水之受源遠者必使有所受以納汪洋之勢亦必有所分以殺奔迅之形今邑之境內經流者惟青灤二河外若戴家河賈家河杜家河苑家河董家河三岔河深者不過三四尺夏秋水盛乃通則河身淺而水無所受可知矣又邑本以兩河夾送自景泰間河徙東灤河絕凡附灤諸支港如沙城社河龐家河中淀河皆絕則河流直而水無所分可知矣愚竊以爲天下事與其周章於臨時何如計議於平日與其散財賑粟惠民於窮約之中何如備無患措民於皞皞之天請以每歲冬春之交塞外水流絕河流蜿蜒凡邑中舊河故道悉行挑濬其爲今時河流所不及者窆之使深使水之勢有所受其爲今時河流所不及者決之使通使水之勢有所分如此則潦以爲洩者旱亦以爲備不誠一舉兩得乎况前人之已事如白河爲患於順義劉天和請以兜杓數千具治河官夫遇淺卽濬

此先其事而後水有所受也會同河子牙河爲患於霸州王鳳靈請多開支河聯絡相屬而委輸於海此先其事而使水有所分也先事不治迨乎既事貲費而無功不既晚乎說者曰凡民難與慮始可與圖終昔之舊河陵谷既久漸成田廬况邑多旗莊地

內府稅糧所在未可輕議予曰唯唯否否苟曰舊河本非民之所宜有况平原壤土疏故港鑿新渠蓋亦數十年來京東之

功令曩者
憲宗皇帝命怡賢親王躬歷郊原盡力溝洫引港疏渠開京畿水田數十頃唯邑未遑特乏任事之人耳灤與遷安不皆五百里內圈地乎誠使誠孚誼洽熟議詢謀捐小利成大功於舊港疏滄外更相河流兩岸窪灘地因其高下開濬長渠近海者兼行潮田法吾知斥鹵變爲膏腴分水之道既多奔騰之勢自減人歌樂愷士慶安瀾與鄭國史公並懋不朽矣
豈非民之所樂從哉

樂亭縣志

卷一地理

山川

十七

沃一日再至不失晷刻雖少雨之歲灌溉自饒其法臨河開渠下與潮通潮來渠滿則插而留之以供車戽中間溝塹地埂宛轉交通四面築圍以防水滌凡屬廢壤皆成膏田聞昔明世袁中郎黃爲寶坻令嘗行其法於壺盧窩等村至今賴之汪司農應蛟至天津見白塘葛沽一帶斥鹵民之近河藝豆者每畝收不過二斗依閩浙潮田法開渠築堤種水稻二千餘畝收穀四五石不等土人至今猶傳爲十字圍者然則潮田之法不獨南方卽北地邊海之區皆可依倣而行也
又坨地墾田議云從古立國者必有川澤之利川主流澤主聚二者相爲體用澤不得川不行川不得澤不止廢一而患斯至矣北地原衍凡經流之河皆川也凡低窪之坨皆澤也自小民不知大體規覓小利見有灘城者往往占耕爲業報墾升科而地方有司不察其爲澤與瀦也或以開荒增賦爲已最近年以來貪小利而忽大計使水無所蓄水患瀕至未必不由此也不知淀泊城灘本非耕地偶然減涸旋復瀦蓄倘不加察偶乘減涸卽聽墾田殊不知不數歲又將以水佔除糧見告矣爲今之計凡城地之認墾者當詳察其情形如無關河

道經流積水所瀦固不當使地有餘利倘或本為廢窪
偶然減涸則勿輕議墾如是則川與澤常相須水患可
蠲而旋墾旋除此

遷安馬恂水利議云議水利於西北如論封建井田於
三代後不過自詡經濟者例以此侈規模之宏遠耳而
最異者臆謂西北土皆曠農皆惰何未觀禾稼之彌望
乎曰西北能陸田不能水田以無教之者然則東南之
農孰始實教之吾知其推本神農無疑也水田有所始
陸田豈北農智能自創乎吾知亦推本神農無疑也俱
由神農而教之田者何以水陸異則地各有宜尤無疑
也而謂水田獲多則陸田將可廢穀可不必百抑知區
種有法固古所已行所獲不減水田乎謂南農必能教
北農遷地其果良乎如南田有灌以鹽鹵者施之北斥
鹵不生物矣古之於田多其法盡禾之性多其種因地
之性而不強其所不宜溝洫澮大小相屬以行水而
非如後世之不問土宜概以多稻望西北且地有渠者
溝洫遺意未嘗廢也而水田不必盡行山溜猛悍雖多
分支港冀殺其怒而每專攻一股頃刻洪濤害一挾沙
急行人田漸緩淤變瘠薄害二土性疏緩停久積之水

樂亭縣志

卷一 地理

山川

十八

力不能勝遂至洩薄加糞亦復滲漏禾難暢茂害三平
日泉脈弱引之入田常不足霖潦山溜盛淼焉沒田尤
有餘害四徒見歲轉南漕遂謂因無水田而不知
帝都所在天下之衆歸焉自古固無不需在外之轉輸
也蓋水利可行之民早自行之如渠水稻田有不上
令者如不可行之地即自古竭力再三經營而旋作旋
廢其效
可觀矣